

# جريدة محكمته

١٣٠٢

جمعه ايرتسى

نومرو	جاذى الاخره	سنة	شباط	سنة	صحيفة
٣٨٢	٩	١٣٠٤	٢١	١٣٠٢	٤٠٣١

- اشبو غزته بهر هفته جمعه ايرتسى كونلرى چيقار سنه لى درس عادت ايچون مجديه
- يكرى غروش حسابيله التمش غروشدر طشره لر ايچون اون بش غروش پوسته اجرتى ضم اولنور بهر
- نمخه سى بنه مجديه يكرى غروش اولق اوزره يوز پاره به هر يره صاتيلور درج اولنه جق اعلانك
- هر برندن بر مجديه اخذ اولنور سنه لى كنه مشرى اولق استيانلر عدليه نظارتى دائره سنه كاش
- جریده محاکم اداره سنه مراجعت ايتليلدر

بك اوغلى بدایت محكمه سى مستنطق اعضا سندن  
رفتولو جمال بكة

بك اوغلى بدایت محكمه سى مستنطق اعضا لى  
درس عادت استيناف محكمه سى مدعى عمومى  
معاونلرندن عزتلو جمال بكة

درس عادت استيناف محكمه سى مدعى عمومى  
معاونلىكى درس عادت بدایت محكمه سى ايكنجى حقوق  
دائرة سى ضبط كاتبلرندن ومكتب حقو مأذونلرندن  
فتوتلو حامد بكة توجيه بيورلمشدر

## قسمت سى

توجيهات

محكمة نيميز اعضا لى درس عادت استيناف محكمه سى  
جنحه قسمى رئيسى عطوفتلو حسين حامد بك  
افندى حضرتلر بنه

استيناف محكمه سى جنحه قسمى رياستى درس عادت  
بدایت محكمه سى جزا دائره سى رئيسى سعادتلو  
عزت بك افندى حضرتلر بنه

درس عادت بدایت محكمه سى جزا دائره سى رياستى

( فی ۱۲ شباط سنه ۳۰۲ تاریخیه عموم ولایات )  
 ( دفتر دار لریله دفتر دار بولنیسان محللار )  
 ( محاسبه جیلکرینه یازیلان تحریرات )  
 ( صورتیدر )

( فی ۳ جاذی الاخر سنه ۳۰۴ وفی ۱۴ شباط )  
 ( سنه ۳۰۲ تاریخیه در سعادت و ولایات دعی )  
 ( عمومیلکرینه یازیلان تحریرات علیه در )

اموال ایتم مدبولندن تسویه دینده تعند و ماطله  
 ایدن کسانک تحصیل ذمتری ایچون تسطیر  
 اولنان اعلامات شرعییه خرجلری نیک اموال  
 مجوئه دن استیفاسی ایتم حقنده غدری موجب  
 اوله جغندن بونک مدیون بماطلک تحصیل ذمتری  
 ایچون تسطیر اولنه جق اعلامات شرعییه  
 خرجلری نیک مسببی میدانده ایکن ایتمه تحمیلی  
 موافق حکمت و عدالت اوله میه جغندن محاکم  
 شرعییه نظامنامه سی موجبجه بو مقوله  
 اعلاملردن غروشه برپاره حسابیه استیفاسی  
 لازم کلان خرجلری اموال ایتمه تحمیل  
 اولنیه رق منحصراً مدیون متعنددن اخذوا استحصال  
 قلمسی شرفوارداولان فی ۸ جاذی الاولی سنه  
 ۳۰۴ وفی ۲۱ کانون ثانی سنه ۳۰۲ تاریخلو  
 بیورلدی سامی جناب صدارتیناهیده امر  
 و اشعار بیورلمش و دائره مأموریتکزه بولنان  
 محاکمه تبلیغ ایتمک اوزره اشبو تحریراتک نسخ  
 مطبوعه کافیه سی لفاآر سال قلمش اولمغله ایجابنک  
 اجراسی

وارسته ایضاح و بیان اولدیغی اوزره تنسیق  
 معاشرت قرارنامه سنک قرق برنجی ماده سنده  
 رجال علیه دن نیابت و باب فتوی خارجنده  
 سائر مأموریتلرده بولنه جق ذواتک مأموریت  
 معاشرلندن طریقه مخصوص معاشرلریک محسوبیله  
 اوست طرفنک اعطاسی محرر و مسطور بولمغله  
 مأمورین علیه دن طریقه مخصوص بشقه جه  
 معاشی اولنر حقنده اشبو ماده موجبجه ایقای  
 معامله اعتنا و همت ایدیه جکی درکار اولوب  
 شاید شمدی به قدر خلاف قرار اوله رق بوکی  
 مأمورین معاشرلندن طریق معاشری نسبتنده  
 تنزیلات اجرا اولنیه رق تماماً معاشی ویرلمش  
 ذوات بولندیغی تقدیرده فضله ویرلمش دیمک  
 اولان ایچدنک همان کندولرندن تحصیل واسترداد  
 قلمسی لازم کله جکی بیانیله شقه شاوروی ترقینه  
 ابتدار اولندی

( رژی نظامنامه سندن مابعد )  
 جدول ش مربوط نومرو ۱۳

انبار کراسی تعرفه سی نمونه سیدر

در انبار مدتی	درت بوغچه در عبارت	
	هر بر مالیه ایچون	هر بر دیک ایچون
	پاره	غروش
هفته یا خود هفته دن از مدت ایچون	۱۵	۲۰
آی ( اوچ هفته به قدر کسورات هفته تعرفه سی موجبجه حساب ایدیلور )	۲۰	۲
التی آی ( بش ماهه قدر کسورات آی تعرفه سی موجبجه حساب ایدیلور )	۲۰	۱۰

( تنبیه )

شرطنامه موجبجه توتونک در انبار اولندیغنک ایلمک التی ماهی ایچون  
 واجب الادا اولمیان انبار کراسی اندن صکره هر التی ماهک انقضاسنده تأدیه  
 اولتمق و یا خود انقضای مدتدن اول توتونر چیقاریله جق اولور ایسه رسم  
 مذکور توتونلریک انبار دن چیققلری صرهده ایفا ایتمک لازم کلور  
 ( مجیدیه اون طقوز غروش حسابیه )



جلد نومرو ممالک عثمانیه دخانلری مشترک المنفعه ورقه نومرو

رزی اداره سی

نومرو

نومرو	ممالک عثمانیه دخانلری مشترک المنفعه رزی اداره سی رخصتنامه سیدر	رخصتنامه
	اشبو رخصتنامه باراده سنیه هر نوعنک اعمالی کلیاً رزی به منحصر اولان برلو انقیه و معمول سیغار وسیغارت و قییش توتونلری صاتمق ایچون دکانجی توتونجیلر ایله کز کجی توتونجیلره اعطا اولور	
نومرو	دکانجی توتونجی یاخود کز کجی توتونجی	
نومرو	وفعی	
نومرو	دکانجی توتونجینک یاخود کز کجی توتونجینک اسم وشهرتی	
نومرو	تابیتی	
نومرو	اخذ اولنان رخصتنامه رسمی بدلی	

شهر ..... غایتنه قدر ..... نومرو لی صندوق

مقبوضندن مستبان اولدیغی وجهله رخصتنامه رسمی اولان بالاده محرر

غروش عثمانلی التونی اوله رق اخذ و قبض ایلمشدر . فی

نمونه ع مربوط نومرو ١٨

( توتونجی رخصتنامه سی استحصال ایتک ایچون )

( استدانامه صورتی )

باراده سنیه هر نوعنک اعمالی کلیاً رزی به منحصر  
اولان برلو انقیه سی و معمول سیغار و سیغارت  
وقییش توتونلری ..... ده صاتمق ایچون  
یدمه بر قطعه ( دکانجی یاخود کز کجی ) توتونجی  
رخصتنامه سنک اعطا اولمسی استدانامه ایدرم

رزی اداره سنک زراعه وزراعک رزی اداره سنه  
قارشو اولان حقوق ووظائفنه واحکام جزاییه به  
دائر اولوب مندرجاتنه تمامیه کسب بقین ایتیش  
اولدیغم نظامنامه احکامنه رعایت ایده جکمی  
ورزی مأمورلر بنک اجرا ایده جکری معاینات  
وتحریراته اصلا مخالفت ایتیه جکمی تعهد ایلم  
فی سنه وفی سنه

صاحب استدانک امضاسی

نمونه غ مربوط نومرو ١٩

( توتونجی دکانی موقعنک تبدیلی حقنده استدانامه )

( نامه صورتی )

ده کائن موقعده برلو یاخود اجنبی

توتونی صاتمق ایچون ..... تاریخلو و

نومرو لی بر قطعه رخصتنامه ( یاخود

بعیه تذکره سی ) استحصال ایتیش اولدیغمدن

ده کائن دیگر بر موقعه دکانمی نقل

ایتمکله کمه مساعده ایلمسی استدانامه ایدرم

فی سنه وفی سنه

صاحب استدانک امضاسی

نمونه ف مربوط نومرو ٢٠

( اجنبی توتونی صاتمق ایچون رخصتنامه )

( استحصالی ضمننده استدانامه صورتی )

ممالک اجنبیه دن ادخال اولنوب رزی طرفندن رسمی

تحصیل اولنان سیغار واغز توتونی وانقیه بی

ده صاتمق ایچون رخصتنامه اعطا

ایلمسی استدانامه ایدرم

رزی اداره سنک زراعه وزراعک رزی اداره سنه

قارشو اولان حقوق ووظائفنه واحکام جزاییه به

دائر اولوب مندرجاتنه تمامیه کسب بقین ایتیش اولدیغم

نظامنامه نک احکامنه رعایت ایده جکمی ورزی

مأمورلر بنک اجرا ایده جکری معاینات وتحریراته

اصلا مخالفت ایتیه جکمی تعهد ایلم

فی سنه وفی سنه

صاحب استدانک امضاسی

دفتري	ممالک اجنبیه دن ادخال اولنوب دخان	رخصتنامه
نومروسی	رژئی طرفندن رسمی تحصیل ایدیلان سیغارواغزوتونی وانقیه صائمق ایچون توتونجیلره و مغازه جیلره و یریلان رخصتنامه در	نومروسی
		توتونجی یاخود مغازه جی
		موقعی
		توتونجینک یاخود مغازه جینک
		اسم و شهرتی
		تابعیتی
		تحصیل اولنان رخصتنامه
		رسمی بدلی
		شهر
		ابتداسندن شهر
		نهایتنه قدر
		بروجه بالا التون اچقه اوله رق
		غروشه بالغ اولان رخصتنامه رسمی
		نومرولو صندوق مقبوضندن مستبان اولدیغی اوزره اخذوقبض
		اولمشدر .
		فی
		سنه ١٣٠

# قسم غیر رسمی

- ( بوکره باراده سنیه نشر و اعلان بیوریلان )
- ( رژئی نظامنامه سنک محاکمه صورت تطبیق )
- ( حقیقده براساس ونمونه اولوق اوزره درسعادت )
- ( بدایت جزا محکمه سندن اخیراً صدور ایدوب )
- ( بر صورتی طرفزه تبلیغ قلنان اعلام شایان تقدیر )
- ( کورندیکندن عیناً درجنه مسارعت قلندی )


طاش قصاب جوارنده ساکن بروسه لی نام — کسنه  
 یدنده بدیوز غرام قساق توتون ظهور ایلدیگی  
 اکلاشاش اولدیغندن رژئی نظامنامه سنک فرق  
 ایکنجی ماده سی ووجه بالحا که تعیین جزاسی  
 و بوباید و یریله جک قرارک موقتاً اجراسی طلبنی  
 شامل درسعادت بدایت مدعی عمومیلکنندن  
 تنظیم قلنان فی ١٨ کانون ثانی سنه ٣٠٢ تاریخلو  
 ادانامه ایله مربوطی اولان رژئی اداره سی  
 وکیلی استدانامه سی و ضبط ورقه سی تاریخ  
 مذکورده محکمه یه تودیع و اعطا قلمغله جله سی  
 تدقیق اوله رق خصوصی مذکور ایچون محاکمه  
 ومدافعه ده بولتیق اوزره اداره مذکورده دن  
 باوکالت نامه صدقه کوندراش اولان — و مظنون  
 علیه حاضر بولغله همان حضور محکمه یه  
 چیقاریله رق اوراق لازمه قرائت و مدعی عمومی  
 معاونی — اقامه دعوی ایش اولدیغندن اجرای

محاکمه علنییه شروع و مباشرت اولندی معاون  
 مومی الیه ادانامه مآلنه عطف کفتار ایتدی  
 و وکیل مومی الیه دخی تصویر دعوا یه ایتداریله  
 ربطاً اعطا ایلدیگی ضبط ورقه سندن دخی اکلا  
 شیه جغی اوزره مرقوم — یدنده بدیوز غرام قساق  
 توتون ظهور ایش اولدیغندن تعیین جزاسنی  
 طلب و تدکار و حکم اوله جق جزای تقدی بی  
 درحال اعطا ایده مدیگی تقدیرده نظامنامه  
 مخصوصنک الی درنجی ماده سنه موافق حقیقده  
 معامله لازمه اجراسی خصوصنی علاوه کفتار  
 ایلدی مذکور ضبط ورقه سی او قوتدیرلقدده  
 بیک اوچیوز ایکی سنه سی کانون نانیسنک  
 بکره بشنجی بازار کونی بززرده امضاری  
 موضوع اولان مأمورین اوزریمزده البسه رسمیه  
 و مأموریتیزک علامت فارقه سی اولدیغی حالده عهده مزه  
 تودیع اولنان مأموریتیزی برای اجرا طولاشمقده ایکن  
 واقع اولان شبهه اوزرینه اصولی دائره سنده  
 تحریات لازمه بالاجرا اوزرنده مختسفی اوله رق  
 بدیوز درهم توتون ضبط اولمشدر مذکور  
 توتونلر استانبولده بالسق بازارنده کاش دخان  
 رژئی نظارتنده رسمی تمغالو قنطار ایله و قنطار جی  
 معرفتیه طاریلوب صافی بدیوز درهم وزننده  
 اولدیغی تبین ایلدی مذکور توتون مرقوم  
 — کوسترلدکده صائمق ایچون الدم جواننی و یردی  
 و کندیسنک سابقه لی اولدیغی اکلاشادی و اوقیوب  
 یازمسی اولوب اولدیغی سؤال اولندقدده یازمسی  
 اولدیغنی سویلدی حقیقده ضبط ورقه سی تنظیم

ایدیه جکی کندوسنه خبروریلوب ضبط ورقه سی  
امضا ایتمسی تکلیف اولندقدقه مهر و امضاسی  
اولدیغی جوابی وردی ضبط ورقه سی جله مز  
مواجهه سنده او قوندی مال و مندرجاته تمامیه  
کسب یقین ایندک کنصکره زبری امضا و تختیم  
قلینوب تفصیلات مبسوطیه مبنی اشبو ضبط  
ورقه سی تنظیم اولندی عبارتیه محرر و ژاندارمه  
چاوشلردن حسنی ورژی اداره سی محافظه مدیری  
و کبلی مراد امضا و مهر لریله مهـور و فی ۲۶  
کانون ثانی سنه ۳۰۲ تاریخیه مورخ و مندرجات  
مذکوره اوراده بولنش اولان فلان فلان نام  
ذواتدن دخی مهر و امضـارله مصدق کورلدی  
مظنون علیه مرقوم شفاهاً استنطاق و استنجواب  
اولندقدقه مذکور توتونلری اسمنی بیلدیگی بر  
شخصدن سکر غروشه صاتون الدیغنی و چاق  
توتونی اولوب اولدیغنی بیلدیکنی سـویلدی نتیجه  
مدعاسی معاون مومی الیهدن استفسار اولندقدقه  
مظنون مرقومک حرکتی مذکور ضبط ورقه سنه  
انضمـام ایدن اقرار یله ثابت اولدیغندن تعیین  
جزاسی طلبنی تکرار و مظنون ایسه بشقه بر  
دیجکی اولدیغنی افاده و تذکار ایلدیله و ایشده ده  
تحقیقه شایان بشقه بر جهت اولدیغندن ختام محاکمه  
افهام اولندی  
ایجاب مصلحت لدی المذاکره — مرقوم اوزرنده  
یدیوز غرام چاق توتونی ظهور ایتدیگی ضبط  
ورقه سی مندرجاته منضم اولان اقرار یله ثابت

اولمش ورژی نظامنامه سنک قرق ایکنجی ماده سنده ده  
اولا شرطنامه نك اون برنجی ماده سی حکمنجه  
ممالک عثمانیه ده حاصل اوله رق شرقی روم ایلی  
ایله جبل لبنان و کریددن بشقه مقدا باندیول  
اصولی جریان ایتش اولان ممالک شاهانه صرفیات  
داخلیه یه مخصوص اولان توتونلری رژی  
اداره سنندن رخصت المقسزین مبیاعه و اعمال  
و فروخت ایدنلرک توتونلری ضبط اولنور و جزای  
نقدی اوله رق بهر جدید قیه سنندن قرق غروش نور  
دیو محرر بولنش اولغله بو حکمه توفیقا مرقومدن  
قرق غروش جزای نقدی اخذینه و تونونک رژی  
اداره سی منفعتنه ضبطنه و التمش دردنجی ماده ده  
جزای نقدی اعطاسنی موجب حرکانه بولنش  
اولان کسه اول مملکتده اقامتگاه دائمی اصحابندن  
اولدیغنی و جزای نقدینک تأدییه سنه مقتدر بولندیغنی  
رئیس محکمه حضورنده اثبات ایده مدیکی و ضبط  
اولنان ادواتک قیمتی اشبو جزای نقدی مقدارینی  
تسویه یه کافی اولدیغنی و معتبر بر کفیل دخی ارائه  
ایده مدیکی صورتده رژی مدیرینک طلبی اوزرینه  
اللی دردنجی ماده موجبجه معامله اولنور واللی  
دردنجی ماده سنده چاقجی حکم اولنان جزای  
نقدی بی ایفا ایتدیگی حالده التمش بر کوندن اوج  
سنه به قدر حبس اولنور و فقط الی ای مرور  
ایدوبده جزای نقدی بی ایفایه مقتدر اولدیغنی  
اثبات ایدر ایسه جزا قانوننامه همايونک اوتوز طقوز  
نجی ماده سی حکمنجه وقتاً سیبیلی تخلیه قلنور و کسب

قدرت ایتدیگی کبی جزای نقدی کندوسندن تحصیل  
اولنور دیو مسطور بولغله مذکور التمش دردنجی  
ماده ایله کندوسنه و یریلان حقوق و صلاحیتلری  
استعمال ایده مزده مبلغ محکومی و بره مدیکی  
تقدیرده التمش بر کون حبسنه و بو حکمک موقتاً  
اجراسنه واللی غروش اعلام و اون غروش  
ضبط خرچلریکه جمعاً التمش غروش مصارف  
محاکمه نکرده بشقه جه مرقومدن تحصیل  
و استیفاسنه او چیوز ایکی سنه کانون ثانیسنک  
یکرمی سکرنجی کونی قطعاً و متفقاً حکم و قرار  
و یریلرک صورت قرار ایتن قانونک قرائتیه تفهیم  
قلندی



محکمه تمیز جزا دائره سی

دعاوی عادییه یلان شاهدلکنی ارتکاب ایدنلر  
حقننده حقوق عمومیه دعواسی اقامه اولنسی  
ایجاب ایده چکنسه دائر بوکره محکمه تمیز جزا  
دائرة سنندن صدور ایدن آتیده کی اعلامک درکار  
اولان اهمیتنه نظر آوو قوعوبولان اخطاره بناء جریده  
مزه عیناً درجنه مسارعت قلنور

در سعادت استیناف محکمه سی هیئت اتهامیه سنندن  
و یریلان فی ۱۰ صفر سنه ۳۰۴ و فی ۲۵ تشرین اول  
سنه ۳۰۲ تاریخ و ایکویز طقسان بر نومرولی  
مضبطنک تمیزی محکمه مذکور مدعی  
عمومیلکنندن استمدعا اولندیغنی جهتله مضبطه  
مذکوره ایله دیگر طرفه تبلیغات لازمه اجرا  
اولدیغنه دائر اولان تبلیغ علم و خبرلری و لایحه  
جوابیه و اوراق متفرعه سی باش مدعی عمومیلک  
مأموریت علیه سنندن فی ۲۹ صفر سنه ۳۰۴  
و فی ۱۳ تشرین ثانی سنه ۳۰۲ تاریخ و بشیوز  
طقسان یدی نومرولی تبلیغنامه ایله محکمه تمیز  
جزا دائره سنه ارسال اولغله مطالعه ایدلدی  
مذکور مضبطه ده خرامی احمد پاشا و قنی مسققات  
و مستغلاتندن معلوم الحدود بر باب منزل و عرصه نك  
شهید محمد پاشا و قنی مربوطاتندن اولدیغنه دائر  
شهادات کاز به ده بولندقلری اخبار اولسان شهید  
محمد پاشا تر به داری اللی بش یاشنده اسماعیل  
نوری افندی ابن الحاج عبدالخلیم و قزل مسجد  
محلله سی خطیبی اللی ایکی یاشنده محمود افندی  
ابن عمر حقننده اجرای تدقیقاته صلاحیتدار  
اولدیغنه دائر مستنطق طرفندن و یریلان قرارنامه یه  
مظنون علیهما طرفلردن مدت قانونیه سی  
ظرفنده اعتراض اولنسی اوزرینه مذاکره  
لدی الابتدار اوراق موجوده مندرجاتنه نظراً  
شهادتلری حضور عالی حضرت فتوا پناهیده

استماع اولمش ولدی التذکیه مقبول الشهاده اولدقلری تحقق ایدرک اساس مسئله به حکم شرعی حقوق ایش اولدیغی اکلشلسنه و معتضلرک اعتراضلری ایسه اصول شرعییه دائره سنده واقع اولان شهادتدن طولایی بعد الحکم علیهلرینه شهادت کاذبه دعواسی اقامه اولتمسی احکام شرعییه بی سکتته دار ایده چکی مسئله سنه متدار اولوب فی الحقیقه اگرچه شهادتک کاذب اولدیغی اثنای تزکیه ده تحقق ایشی اوزرینه محکمه شرعییه دن اشعار و یا خود طرفیندن بری جانبندن استدا و قوعیله تدقیقات استنطاقیه اجراسنه مستنطقک صلاحیتی جاز اوله بلوب بوقسه بعد التذکیه شاهدلر علیهنه شهادت کاذبه دعواسی اقامه سی غیر جاز بولندیغنه بناء مستنطقک صلاحیت حقه ده اسباب موجب دن عدابدیرک سردابلدیکی حقوق عمومیه نامه بر ادعای مجردک دائره استنطاقیه تدقیقات استنطاقیه اجراسنه دلیل عدابدیلر اسباب قانونیه دن معدود اولدیغنه مبنی مذکور صلاحیت قرار نامه سنک فسخنه متفقاً قرار ویرلدیکی کوسترلشدر .

سالف الذکر تمیز استدا نامه سنده هیئت اتهامیه به اعطا قلنسان ادغامه ده بیان اولدیغی وجهله مادامکه جزا قانوننامه همایونک ایکیوز طقوزنجی ماده سنده دعاوی عادیه ده یلان شاهدلکنی ارتکاب ایدنلره مخصوص بر جزا کوستریلور و حضور

شرعشرفده یلان شهادتی ایدنلر ایچون بر قید استثنائی ذکر اولتیمور مظنون علیهما حققرنده اقامه اولنسان دعوانک حقوق عمومیه دن ایدوکی درکار و حقوق عمومیه نامه مدعی عمومی اقامه اولنسان دعوایی تدقیقه مستنطقک صلاحیتی اشکار بولندیغنه و شهادتک تمامیتی تزکیه ایله حاصل اوله جنجی جهته ذاتاً شهود تزکیه ایدلماش و شهادت بوضورتله حکمی ایتاج ایتماش اولسه شهادت کاذبه دعواسنه محل اولیه جغنه و تزکیه شهود شاهدلرک اصول سابقه لری نقطه سنندن بر حسن شهادتی شامل اولوب یوخسه اندنصرکه ظاهر اوله بیله جک شهادت کاذبه به بر تأثیری اوله میه جغنه و عمومی ایهما حققرنده کی شهادت کاذبه دعواسی اوله هیئت اتهامیه نک کوستردیکی کبی بر ادعای مجرددن عبارت اولیوب اوراق دعوی میاننده بولنسان و قیودات رسمیه بی ارئه ایدر درکنارلری مشتمل اولان فی ۹ اغستوس سنه ۳۰۲ تاریخی عرضحال اوزرنده کی معاملات رسمیه ایله مظنون علیهمانک صور افاداتندن متحصل ادلیه استنادی امور بدیهیه دن ایدوکنسه مبنی مصبطه مذکورنک فسخی استدا اولمشدر .

مرقوماندن اسماعیل نوری افندی طرفندن ویرلش اولان لایحه جوابیه مفادیده لدی التذکیه مقبول الشهاده اولدیغی تحقق ایتدیکی و بوبابده حکم

# اعلان

شرعی دخی صادر اولدیغی و علیهنده اقامه دعوی اوله یتیک اثنای تزکیه ده مقبول الشهاده اولدیغنک ثبوتی ایله مشروط بولندیغی جهته علیهنه شهادت کاذبه دعواسی اقامه سی غیر جاز بولندیغنه بناء اعتراضات واقعنک ردیله مذکور مضبطه نک تصدیقنی مستدعی اولوب مارالبیان تبلیغنامه ده دخی استیناف مدعی عمومیسنک اعتراضاتک موافق قانون اولدیغندن بختله مذکور مضبطه نک فسخی طلب اولمشدر .

خصوص مذکوره متعلق سائر اوراق دعوی دخی قرائله ایجابی مذاکره اولندی جزا قانوننامه همایونک باب نانیسنک فصل خامسنده محرر احکامه نظراً جنایات و جنحه به متعلق مواد ایله دعاوی عادیه دن یلان شاهدلکنی ارتکاب فعلی افعال ممنوعه دن اولسنه و بناء علیه حقوق عمومیه به متعلق اولان مذکور یلان شهادتی دعواسی حقه ده اجرای تدقیقاته مستنطق افندیکنک صلاحیتی درکار بولنسنه نظراً مار الذکر استیناف مدعی عمومیسنک اعتراضات مسروده سی بجا کورندیکنندن اصول محاکمه قانونک اوچیوز اون دردیجی و اوچیوز اون طقوزنجی ماده لرینه توفیقاً بر موجب طلب ذکر اولنسان مضبطه اتهامیه نک فسخنه و اوراق مرقومه نک اعاده سنه اکثریت ارا ایله قرار ویرلدی .

فی ۱۲ ربیع الاخر سنه ۳۰۴  
وفی ۲۵ کانون اول سنه ۳۰۲

کوچه زاده متوفی بغوص افندیکنک کریمه لری دوریک و مانده لینه خانملرک ۲۰۲ نومرولی اعلام موجبجه نپرور یا نوویچه محکوم به دینلری اولان مبالغ معلومه نک تسویه سنه صورت کوستر مدکارندن چنکل قریه سنده واقع ۷۴ نومرو ایله مرقم درت حصه اعتبارلی بر باب ساحلخانه ده پدرلری متوفی بغوص افندیکنک انتقالاً متصرفه اولدقلری ایکی حصه شایعه لرینک تاریخ اعلاندن اعتباراً اون بش کون صکره بالمزایده فروخت ایتدیریله چکی بک اوغلی بدایت محکمه سی اجرا مأموریتی جانبندن اعلان اولنور

فی ۳۱ کانون ثانی سنه ۳۰۲

اتمکچی مغردیج قره بتک بونان دیلتی تبعه سنندن یانی لیه ایله شریکی اورامینی به اولان دیون محکومه سنک تسویه سیچون بوندن اقدام موقع مزایده به قونیلان قاضی قریه سنده عثمان افا محله سنده عزیز به زقاغنده کاشن فوقانی و نختانی التی او طه و بر صغه

و جرخانه و بر قیو و علی التخمین جدید التمس اوج  
و عتیق بوز اون ارشون بفتح بی و مشتعلات  
سأره بی حاوی سنوی الی عدد عثمانی لیراسی  
کیرا کتیر مکرر الی بر نومرو ایله مرقم متصرف  
اولدیغی بر باب کار کیر فرون عثمانی لیراسی بوز  
غروش حسابیله اوتوز بیک بشیوز غروشده  
طالبی عهده سنده قالمش و تاریخ اعلانن اعتباراً  
اوتوز بر کونه یه نی کله جک مار تک برنجی بازار  
کونی ساعت اونه قدر بوزده بش ضم قبول اولنسی  
و ذکر اولسان یوم و ساعتده صوک مزایده سی  
بالاجرا قرار قطع سی و بر یله رک طالبی عهده سنه  
یکور لسی مقرر بولنش اولدیغندن و اندن صکره  
هر نه ضم و قوع بولور سه قبول اولنیه جغندن  
مذکور فرونه بوزده بش ضمیله طالب اولنلرک  
ودها زیاده معلومات المی استیانلرک مدت مرقومه  
ظرفنده محکمه تجارت اجرا دائره سنه مراجعت  
ایلری و یوم و وقت مز بورده محل مذکورده  
حاضر بولنلری اعلان اولنور  
فی ۲۹ کانون ثانی سنه ۳۰۲

مخالک ۲۱/۱۲ نومرولی اعلام موج بنجه یورکی  
بو یوویچه محکوم به دینی اولان مبالغ معلومه تک

تسویه سیچون غلطه ده سلطان بایزید محله سنده  
قصابلر زقاغنده واقع ۵ نومرولی بر باب خانه ده  
پدری متوفی طناشدن انتقالاً متصرف اولدیغی سدس  
حصه شایعه سی بالمزایده بش بیک یوز غروش  
بدل ایله طالبی عهده سنده تقرر ایلدیکندن تاریخ  
اعلانن اعتباراً اوتوز بر کون ظرفنده بدل  
مذکور اوزرینه بوزده بش ضمیله طالب اولنلرک  
بک اوغلی بدایت محکمه سی اجرا مأمور لغنه  
مراجعت ایلری اعلان اولنور  
فی ۱۲ شباط سنه ۳۰۲

اسبق اوقاف همایون مصارفات مدیری مرحوم  
محمد رفعت افندی ورثه سی صغیر محدودلری  
عبد القادر ماهر و محمد باهر بکلرک و صیلری  
و والدهلری عطیه خانک متوفای مومی الیهک  
ازوجه اخراسندن متولد صغیر محدودی علی شفیق  
بکک لابون قزقنداشی و وصیسی امینه سانحه خانم  
ذمتنده با اعلام شرعی الاجلری اولان مبالغ  
معلومه تک تأمین استیفاسی ضمننده مدیونه  
مزبورنه تک پدری متوفای مومی الیهدن  
انتقالاً متصرفه اولدیغی عتیق علی پاشا محله سنده  
عمارت زقاغنده واقع بر نومرو ایله مرقم بیکار

اوطه لرنده کی بر ربع حصه شایعه سی اشبو تاریخ  
اعلانن اعتباراً اون بش کون صکره بالمزایده  
فروخته تشبث اولنه جغندن طالب اولنلرک و پی  
سورمک استیانلرک مدت مذکور ختامندن صکره  
در سعادت اعلامات شرعیه اجرا دائره سنه  
مراجعت ایلری

فی ۱۲ شباط سنه ۳۰۲

فاطمه شمس خانمک متوفی محمد راسخ افندی  
ترکه سنده با اعلام شرعی الاجغی اولان مبالغ  
معلومه تک تأمین استیفاسی ضمننده متوفای مومی الیهک  
ترکه سندن او اوب فروختی محکوم بولنان استانبولده  
چرچر قربنده حاجی حسن محله سنده حیدر  
جاده سنده واقع بکرمی بر نومرو ایله مرقم وقف  
ایله ملک مخلوط اولان بر باب منزل ملکینک  
اون طقوز سهم حصه شایعه سی بوندن اول  
مزایده قونیله رق لیرا بوز غروش حسابیله  
ایکی بیک طقوز غروشده طالبی اوزرنده تقرر  
ایتمش اولدیغندن بوزده بش ضمیله بوندن دها  
زیاده طالب اولنلرک اشبو تاریخ اعلانن اعتباراً  
اوتوز بر کونه قدر در سعادت اعلامات شرعیه  
اجرا دائره سنه مراجعت ایلری

فی ۱۴ شباط سنه ۳۰۲

اسکدارده باغیر باشی جاده سنده متوفی یازیچی  
اوغلی مغردیج زوجیه سی با بازار خانم طرفندن  
اسکدار بدایت محکمه سی حقوق دائره سنه اعطا  
قلنس بر قطعه استعداده زوجی مغردیج اغاک  
لاجل المصلحه بوکره وارنده موسیو صوه  
مارقول قومپانیه سنده بولنان سیراغان مانغا  
صاریان اغا ذمتنده با سندن غیراز مأخوذ الهجغی  
اولوب انک وقوع و فاتیله وصیسی بولنسیغی  
اولاد لینه انتقال ایدن ایکوز عدد عثمانی  
لیراسنک تأمین استیفاسی ضمننده مومی الیه  
سیراغان مانغا صاریانک اسکدارده سلام سزده  
واقع متصرف اولدیغی بر باب خانه سنی تحت  
جزه الدیرمش اولدیغندن حیز موضوعک تصدیق  
استدعا اولنمقدن ناشی مذکور تصدیق حیز  
دعواسنک رؤیت و محاکمه سیچون احکام قانونیه  
دائره سنده احضار ورقه لری رقیم و ارسال اولنش  
ایسه ده مومی الیهک وارنده اولیوب رومانیه به  
عزیمت ایتدیکندن بختله سالف الذکر دعوتیه  
ورقه سی اعاده قلنش و مومی الیهک رومانیه تک  
قنغی جهتنده متوطن ایدوکی بیلنه میوب شو حالده  
شمدی اقامت ایتدیگی محل مجهول بولنش اولدیغندن  
مدعیه بازار خانمک باسند مصدق و کیلی افریباسی  
افندیک طلبیله دعوی مجوئه اشبو اوچوز  
اویج سنه سی مایسک التنجی چهارشنبه کونی  
ساعت سکز راده لرنده اسکدار بدایت محکمه سنجه

اوغنی بدایت محکمه سی اجرا مأموریتی جانبندن  
اعلان اولنور

فی ۱۴ شباط سنه ۳۰۲

عبدالله وهی افندیك اكين بدایت محکمه سندن  
اعطا قلنسان فی ۳ تموز سنه ۳۰۰ تاریخلی بر  
قطعه اعلام موجبجه قصاب عبدالله اغا ذمتنده  
اولان الاجغتك تأمین استیفاسیچون تحت حجزه  
الدير بلان فاتح جوارنده دوه خانی جاده سنده  
واقع نقیب خانی دیمکله معروف التمش یدی نومرو  
ایله مرقم بر باب خان و مشتلاتدن مرقوم عبدالله  
اغانك متصرف اولدیغی ثمن حصه شایعه سی  
بوندن اقدام بالمزایده لیرا یوز غروش حسایله  
بشبیك یوز غروشده طالبی عهده سنده تقرر  
ایتمکله یوزده بش ضمیمه طالب اولانلرك ودها  
زیاده معلومات المق استیانلرك تاریخ اعلاندن  
اعتباراً اوتوز بر کونه قدر درسه عادت مرکز  
اجر دائره سنه مراجعت ایملری اعلان  
اولنور

فی ۱۴ شباط سنه ۳۰۲

رؤیت و فصل اولنق اوزره یوم مذکورده غائب  
مومی الیه سیر اغان مانغا صاریان بالذات کلمسی  
ویا خود طرفندن باسند مصدق بروکیل کوندرمی  
وعکس حالده غیباً بتدقیق معامله اولنه جغنی  
متضمن یازدیریلان دعوتنامه نك بر نسخه سی  
اصول محاکمه حقوقیه قانون موقتیک یکرمی  
التبجی ماده سی احکامنه توفیقاً محکمه نك دیوانخانه سنه  
تعلیق اولندیغی اعلان اولنور

فی ۱۴ شباط سنه ۳۰۲

متوفی خوجه سارک زوجه متروکه سی صوفی  
حانم ایله اوغلاری انطوان و بدروس و علیکسان  
افندیلرك و کریمه لری آنیک وقتینه خانلرك  $\frac{۲۰۳}{۲۰۶}$   
نومرولی اعلام موجبجه اساسیان مغردیج  
افندی به محکوم به دینلری اولان مبالغ معلومه نك  
تسویه سنه صورت کوسه ترمدکلرندن بیوکدره  
قریه و جاده سنده واقع متوفی پدرلرندن انتقالات  
مالک اولدقلری ۲۱۹ نومرولی بر باب ملک  
دکانلرینک تاریخ اعلاندن اعتباراً اون بش  
کون صکره بالمزایده فروخت ایتدیر یله جکی بک